



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones à Clemente X. & Innocentio XI. editas

**Luxemburgi, 1739**

CX. Abrogatio Commissariorum pro Provinciis Orientalibus Min. S. Franc.  
de Observ.

---

[urn:nbn:de:hbz:466:1-74708](https://nbn-resolving.org/urn:nbn:de:hbz:466:1-74708)



specialem ipsi Vicario Generali, & Procuratori Generali gratiam facere volentes; & eorum singulares personas a quibusvis excommunicationis, suspensionis, & interdicti, aliisque Ecclesiasticis sententis, censuris, & pœnis a jure, vel ab homine, quavis occasione, vel causa latis, si quibus quomodolibet innodata existunt ad effectum presentium duntaxat consequendum harum serie absolventes, & absolutas fore censentes, supplicationibus eorum nomine Nobis super hoc humiliter porrectis inclinari, Summarium præsertim, cum omnibus, & singulis in eo contentis auctoritate Apostolica tenore presentium confirmamus, & approbamus, illisque inviolabilis Apostolicæ firmitatis robur adjicimus, ac omnes, & singulos juris, & facti defectus, si qui desuper quomodolibet intervenerint, supplemus: Salva tamen semper in præmissis auctoritate memoratæ Congregationis Cardinalium.

Confirmatio  
relati Sum-  
marii.

Claufulæ.

§. 2. Decernentes ipsas præsentis literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore quodcumque spectabit plenissime suffragari; sicque in præmissis per quoscumque Judices ordinarios, & Delegatos, etiam causarum Palatii Apostolici Auditores, judicari, & definiti debere, ac irritum, & inane, si secus super his a quoquam, quavis auctoritate, scienter, vel ignoranter contigerit attentari.

§. 3. Non obstantibus Constitutionibus, & Ordinationibus Apostolicis, ceterisque contrariis quibuscumque.

§. 4. Volumus autem, ut earumdem presentium literarum transumptis, seu exemplis, etiam impressis manu alicujus Notarii publici subscriptis, & sigillo personæ in Ecclesiastica Dignitate constitutæ munitis, eadem prorsus fides ubique locorum, tam in judicio, quam extra illud habeatur, quæ ipsis presentibus haberetur si forent exhibitæ, vel ostensæ.

Datum Romæ apud Sanctam Mariam Majorem sub Annulo Piscatoris die XXIV. Octobris MDCLXXXII. Pontificatus nostri Anno Sexto.

CX.

Confirmatur Decretum Card. Protectoris circa abrogationem Commissariorum Generalium pro Provinciis Indiarum Orientalium Ordinis Fratrum Minorum S. Francisci de Observantia.

*De Commissariis Generalibus Indiarum, vide Urbanus VIII. Const. ed. 1625, Novem. 20. P. 3.*

INNOCENTIUS PAPA XI.

*Ad futuram rei memoriam.*

Exordium.

EX debito pastoralis officii, quod inscrutabilis Divinæ Sapientiæ altitudo humilitati nostræ, viribus licet, & meritis longe impari, imponere dignata est, paternam Christifidelium qui e fluctibus sæculi in portum vitæ religiose confugerunt, curam peculiari charitate assidue gerentes, ea, quæ pro felici, prosperoque illorum regimine, & gubernio provide constituta, atque ordinata esse noscuntur, ut firma, & illibata persistant, Apostolici muniminis præsidio, cum id a nobis petitur libenter corroboramus.

Species facti.

§. 1. Exponi siquidem Nobis nuper fecit dilectus filius Ambrosius ab Assumptione Frater expressè professus, ac Procurator Provinciarum S. Thomæ Apostoli, & Matris Dei in Indiis Orientalibus Ordinis Fratrum Minorum S. Francisci de Observantia nuncupatorum, quod Venerabilis Frater Noster Alderanus Episcopus Tusculanus

S. R. E. Cardinalis Cybus nuncupatus, dicti Ordinis apud Nos, & Sedem Apostolicam Protector inhærendo quibusdam patentibus literis a dilecto filio Petro Marino Sormano Generali ejusdem Ordinis die 21. Maji proxime præteriti emanatis, easque opportune declarando, & quæ deerant supplendo, decrevit, & mandavit, ne de cætero Commissarii Generales ad dictas Provincias amplius deputentur, variasque ordinationes fecit, tam circa deputationem Præsidentum, & Conjudicum; qui Causas appellationum in eisdem Provinciis cognoscant, & sine debito prout juris fuerit terminent, quam circa Commissarios ad visitandas Provincias hujusmodi, celebrandaque illorum Capitula Provincialia deputari solitos, necnon circa præcedentiam dictis Præsidentibus decernendam, & alias, prout uberius continetur in ipsius Alderani Episcopi Cardinalis, & Protectoris Literis patentibus desuper expeditis, tenoris, qui sequitur, videlicet:

§. 2. Alderanus Episcopus Tusculanus S. R. E. Cardinalis Cybo Seraphici Ordinis S. Francisci apud S. Sedem Protector.

§. 3. Dilectis Nobis in Christo Patribus Provincialibus, Provinciæ Patribus, Custodi, Diffinitoribus, ceterisque aliis Patribus, & Fratribus Provinciarum nuncupatarum S. Thomæ Apostoli, & Matris Dei in Indiis Orientalibus salutem, & divinatorum Chriftmatum incrementum. Fr. Ambrosius ab Assumptione Provinciæ Matris Dei Pater, & Commissarius Generalis Terræ Sanctæ, quem procuratorio nomine ad Capitulum Generale, & ad Romanam Curiam prout utriusque vestræ Provinciæ negotiis ablegatus, exhibuit Nobis quasdam Literas patentes Patris Petri Marini Sormani Moderni Ministri Generalis totius Ordinis S. Francisci datas in Conventu S. Joannis Regum Toleti sub die 21. Maji 1682. quarum tenor est, quod attentata petitione per dictum Procuratorem nomine vestro ei oblata, visis, & prævia consultatione nonnullorum Patrum graviorum mature perpenfis rationibus per vos, Procuratoremque vestrum præfatum exhibitis, ne imposterum ob maximam paupertatem, & angustiam, qua vestræ Provinciæ premuntur, Commissarii Generales ad easdem Provincias deputentur, prælatum Minister Generalis tum ad evitandos maximos sumptus in deputatione, & Missione dictorum Commissariorum; fieri consuetos, tum etiam ut electiones vestræ majori cum pace, ac sine alicujus præpotentia perfici possent, statuit atque decrevit dictas Provincias vestras ab hujusmodi onere, & dispendiis eximere, ac prout tales Commissarios Generales non amplius deputare, nec ab aliis imposterum deputandos fore, prout in dictis Literis patentibus expresse, & latius continetur. Cumque idem Fr. Ambrosius ab Assumptione easdem literas patentes auctoritatis, protectionisque nostræ robore muniti, & confirmari humiliter postulaverit. Nos firmo permanente ipsarum literarum tenore, quem hic pro inserto habere volumus, aliquibus tantummodo pro majori claritate, & faciliiori executione immutatis, atque ordinatis, decernimus pariter, & mandamus præfatos Commissarios Generales ad dictas vestras Provincias non amplius deputari debere, & præsentem determinationem a moderno, & pro tempore existente Magistro Generali inviolabiliter observandam fore. Ne autem earundem Provinciarum Religiosi, quoties a proprio Provinciali, vel Diffinitorio per sententiam se injuste gravari sentirent, Appellationis beneficio careant, inhærentes dispositioni dictarum literarum patentium, volumus, & presentium tenore præcipimus, ut in Capitulis utriusque Provinciæ per Diffinitorium noviter electum deputetur unus ex maturioribus, & doctioribus Provinciæ Patribus, qui tanquam Præsides appellatio-

Decretum  
Card. Protec-  
toris cum  
altero Minis-  
tri Genera-  
lis.Interdicta  
fuit missio  
dd. Commis-  
sariorum, &  
permissa elec-  
tio Præsidi-  
um, ac judi-  
cium appella-  
tionum.

num



num infimul cum aliis duobus Patribus gradua-  
tis ejusdem suæ Provinciæ, qui Religioso Appel-  
lanti non sint legitime suspecti, ab ipso Præsiden-  
te quoties opus fuerit eligendis, & deputandis  
tanquam Coniudicibus possit, & debeat diffinitive  
judicare, & sententiare in causis appellationum,  
cui ad hunc effectum plenam concedimus aucto-  
ritatem, servatis omnibus, quæ fuerint de jure  
servanda, ejusque Præsidentis, & dictorum Con-  
iudicum conscientiam in administratione recti  
iudicii gravissime oneramus. Hoc autem ita vo-  
lumus executioni demandari, ut Præsides cum suis  
Coniudicibus audiat, & iudicet Causas non illius  
Provinciæ, ex qua ille est, sed alterius, ita ut qui  
est ex Provincia S. Thomæ inserviat pro Provin-  
cia Matris Dei, & e contra: Quod si contigerit  
dictum Præsidentem, vel per mortem, vel per  
discessum, vel per aliam quamcumque causam  
deficere, Provincialis, & Diffinitores illius Pro-  
vinciæ, qui eum elegerunt ad alterius Præsiden-  
tis electionem evenire possint, & debeant. Quo  
autem ad Commissarios, qui ad visitandas Pro-  
vincias, ad celebranda Capitula deputari debent  
(cum hoc hucusque varie practicatum fuerit)  
volentes rem hanc ad certam, stabilem, ac ma-  
gis congruam methodum redigere, decernimus,  
ut in posterum debeant assumi non ex illa Pro-  
vincia, ubi Capitulum est celebrandum, sed ex  
altera, ne rebus propriis, & amicorum solum-  
modo incumbentes, leges confundant, ac mu-  
nus tanti momenti, vel injuste, vel violenter  
exerceant. De cætero leges, & consuetudines  
antiquæ observentur, ut scilicet Provincialis cum  
Diffinitorio, & PP. Provinciæ, Magistro Genera-  
li, seu Commissario Generali familiæ, ad quos  
pro tempore spectabit proponant, seu nominent  
tres Religiosos alterius præfate Provinciæ huic  
muneri idoneos, ex quibus unum eligere possint.  
Hanc tamen propositionem, seu nominationem  
volumus ad Generalem mitti per primam post  
Capitulum opportunitatem alicujus Navis, quæ  
Europam versus dirigitur. In quo si Provincia-  
lis, vel alii negligentes reperti fuerint, ejusdem  
Generalis arbitrio graviter puniatur. Quod si ob  
naufragium, nimiam distantiam, vel aliud inevi-  
tabile impedimentum non habeatur a Magistro  
Generali responsum quatuor mensibus ante tem-  
pus præfixum, & consuetum Capituli celebrandi,  
tunc possit Provincialis cum Diffinitorio, & Pa-  
tribus Provinciæ unum ex tribus jam propositis  
tanquam Commissarium Visitatorem advocare,  
qui omnia, & singula præstare possit, & valeat,  
quæ missi, & deputati a Generali Magistro præ-  
stare solent, ita & taliter, quod etiam superven-  
iente postea deputatione facta a præfatis Magi-  
stro Generali, vel Commissario, talis deputatio  
nullum sortiatur effectum, ac si facta non fuisset:  
Ut autem contentiones, quæ ex defectu declara-  
tionis præcedentiæ, quam habere debent d. Præs-  
identes tam in propria, quam in aliena Provin-  
cia oriri possunt dirimantur, facultatem concedi-  
mus Diffinitoriis utriusque Provinciæ decernendi  
eam in propria respective Provincia præceden-  
tiam, quam rationi, & æquitati consentaneam  
judicaverint futuris temporibus perpetuo valitu-  
ram. Ac tandem præcipimus vobis in virtute  
Sanctæ Obedientiæ, & sub pœnis arbitrio nostro  
infligendis, ut hæc omnia a vobis petita, & a no-  
bis, & Magistro Generali respective in utilitatem,  
& quietem publicam concessa, deinceps accurate  
servetis, & ab aliis omnino servari faciatis. Va-  
lete, nosque Deo assidue commendate. Romæ 17.  
Decembris 1682. A. Cardinalis Cybo Protector.  
Joannes Baptista Rusca.

Preces Pro-  
curatoris Ge-  
neralis dictæ  
Provin-  
ciarum.

§. 4. Cum autem sicut eadem expositio sub-  
jungebat præfatus Ambrosius præmissa quo fir-  
mius subsistant, & serventur exactius, Apostoli-  
cæ confirmationis nostræ patrocinio communiti

summopere desideret: nos ipsum Ambrosium spe-  
cialibus favoribus, & gratis prosequi volentes,  
& a quibusvis excommunicationis, suspensionis,  
& interdicti, aliisque Ecclesiasticis Sententiis, Cen-  
suris, & pœnis a jure, vel ab homine quavis oc-  
casionem, vel causa latis, si quibus quomodolibet  
innodatus existit ad effectum præsentium dumtaxat  
consequendum harum ferie absolventes, &  
absolutum fore censentes, supplicationibus ejus  
nomine nobis super hoc humiliter porrectis incli-  
nati, præsertim memorari Alderani Episcopi  
Cardinalis, & Protectoris patentes literas, om-  
niaque, & singula in eis contenta, & expressa au-  
thoritate Apostolica tenore præsentium confirma-  
mus, & approbamus, illisque inviolabilis Apo-  
stolicæ firmitatis robur adjicimus, ac omnes, &  
singulos juris, & facti defectus si qui desuper  
quomodolibet intervenerint, supplemus.

§. 5. Decernentes eadem præsentibus Literas  
semper firmas, validas, & efficaces existere, &  
fore, suosque plenarios, & integros effectus for-  
tiri, & obtinere, ac illis ad quos spectat, & pro  
tempore spectabit in omnibus, & per omnia ple-  
nissime suffragari, & ab illis respective inviolabi-  
liter observari; sicque in præmissis per quoscum-  
que Judices Ordinarios, & Delegatos, etiam Cau-  
sarum Palatii Apostolici Auditores, judicari, &  
definiri debere, ac irritum, & inane si secus su-  
per his a quoquam quavis auctoritate scienter, vel  
ignoranter contigerit attentari.

§. 6. Non obstantibus præmissis, ac Consti-  
tutionibus, & Ordinationibus Apostolicis, nec-  
non Provincialium, & Ordinis præfatorum, aliis-  
ve quibusvis, etiam juramento, confirmatione  
Apostolica, vel quavis firmitate alia roboratis  
Statutis, & Consuetudinibus; privilegiis quoque  
Indultis, & Literis Apostolicis in contrarium  
præmissorum quomodolibet concessis, confir-  
matis, & innovatis. Quibus omnibus, & singu-  
lis, illorum tenores præsentibus pro plene, &  
sufficenter expressis, ac ad verbum insertis ha-  
bentes, illis alias in suo robore permanentibus ad  
præmissorum effectum hac vice dumtaxat specia-  
liter, & expresse derogamus, cæterisque contra-  
riis quibuscumque.

§. 7. Volumus autem, ut earumdem præ-  
sentium literarum transumptis, seu exemplis,  
etiam impressis manu alicujus Notarii publici  
subscriptis, & sigillo personæ in Ecclesiastica di-  
gnitate constitutæ munitis, eadem prorsus fides  
ubique locorum tam in iudicio, quam extra illud  
habeatur, quæ haberetur ipsis præsentibus si fo-  
rent exhibita, vel ostensa.

Datum Romæ apud S. Petrum sub Annulo Pis-  
catoris die XXIII. Decembris MDCLXXXII. Pon-  
tificatus nostri Anno Septimo.

Confirmantur nonnullæ Constitutiones Congrega-  
tionis Silvestrinorum Ordinis S. Benedicti.

CXI.

*Approbata fuit hæc Congregatio ab Inn. IV. Const. ed. 1247. Jun. 27. Pont. 5., a Paulo III. Const. ed. 1543. Mar. 21. Pont. 10. determinatum fuit tempus electionis Priorum. Et ab Alexandro VIII. confirmatum statutum Congregationis Const. ed. 1690. Octob. 15. Pont. 1.*

INNOCENTIUS PAPA XI.

Dat. 15. Jan-  
1683. An. 7.

Ad perpetuam rei memoriam.

Pastoralis officii, quod auctore Deo gerimus  
solicitude Nos urget, atque impellit, ut pa-  
ternam Religiosorum virorum Altissimi obse-  
quii sub laudabili vitæ Monasticæ instituto man-  
cipatorum curam peculiari charitate gerentes ea,  
quæ pro felici, prosperoque illorum regimine, &

Procurum.

gubernio